

EFESUS

Pepa Paulo ingere panzi kalo-tawana tamâta simo Efesus lawea

Paulo imo luma sakamao ilo nana ne wurâta nana itula pâri ara kê, ande ingere ngua njine ilâ panzi kalo-tawana tamâta simo Efesus lawea lâ Esia tâno (Pâri Tamâta 24:27). I munja imo Efesus lawea mbwani rua (Pâri Tamâta 18:18-21, 19). Ingere ngua njine nana ipu tini kaika panzi kalo-tawana tamâta. Ipanananzi tu kinda rârâni tamo togo Yesu kie-mbalau mine, anja Yesu nde imo kulu-kâmba pa kinda. Aku itula vetâña arara pinde panzi tona nana kinzi ma sipaveta kuku. Paulo iporo ngua nana kelekele pinde ikura tu ivila kinda lâ zo nana Sadana ikai kazâña pa kinda (6:10-18).

¹ Naña Paulo, naña amo Yesu Kirisi ne pâri-tamâta ikura Maro Kindeni ne pateâña mine. Naña angere ngua lâ pepa njine tini imâ pa miki Maro Kindeni ne tamâta kamo Efesus lawea, miki njinde kapaipa kuku Yesu Kirisi lâ kala uru kamandi kaika nâ. ² Kinda Tamânda Maro Kindeni anja Maro Njalae Yesu Kirisi rua nenzi wisi-wisi wa wisi-pisi wa imâ pami.

Kinda kalonda tawana Kirisi, kala Maro Kindeni samba ne kelekele arara rârâni ilua kinda lâ

³ Tapanea nenda Maro Njalae Yesu Kirisi ne Maro Kindeni, ina Yesu Tama. Kinda tapaipa

kuku Kirisi lâ, aku nana duvi ninde kâ Maro Kindeni iveta kie ara pa kinda ku samba ne kelekele arara rârâni ilua kinda marumbu lâ. ⁴ I iveta kie ara pa kinda mine: nia ndoyo, lâ zo ninde Maro Kindeni nandai ipulia tâno ipânga nga, ande ipatea kinda muᅅgani lâ nana tapaipa kuku Kirisi kâ. Ipatea tu kinda ma tamo i tamwata ne tamâta ku ma tamo ilonda mbâra-mbâra ndo lâ i nao, nenda soki tonᅅge tia. ⁵ Maro Kindeni ilo ndo keno pa kinda. Mine kala nia ndoyo ipatea tu Yesu Kirisi ma iveta kinda tapânga tamo i tamwata natu wukale. Maro Kindeni ilo pateo tu ma iveta mine, kala iveta lâ. ⁶ Maro Kindeni ne wisi-wisi nde ᅅalae tina ku ara ndo, aku i io ninde imâ pa kinda itogo wisi-ara mine, ne kulu tia. Maro Kindeni itula ne wisi-wisi ninde pwataki lâ i Natu tini, natuni ninde i tini mwasa ndo papa. Mine nde ara nana kinda ma tapanea Maro Kindeni tasuka i ᅅa kâki. ⁷ Maro Kindeni ne wisi-wisi nde ᅅalae ndo! Mine kala io Yesu Kirisi ilâ imâte nana iko kinda piti lâ kondoma ilo, aku i see ninde izavaru kiesaka piti lâ tininda. ⁸ Mao nâ, Maro Kindeni ne ilo-kalo nde ᅅalae tina ku ara ndo. Mine kala io ne wisi-wisi imâ more-more ᅅalae pa kinda lâ. ⁹ Muᅅgani, Maro Kindeni ne pateâᅅa ikeno paveâᅅa nâ, andeta nia ndoyo i ipatea tu Yesu Kirisi ma itula ninde pwataki pa kinda. ¹⁰ Maro Kindeni ne pateâᅅa ninde nde mine; muli nga, lâ zo sonᅅo ndo, ande i ma igona kelekele rârâni muᅅga ipulianzi ninde ku ma ionzi simo lâ taitu. Nᅅineᅅga i ma io Kirisi ikai maro pa samba wa tâno nenzi kelekele ninde rârâni.

¹¹ Maro Kindeni uru iveta ikura i tamwata ne pateâna nâ. Aku nanayoni, lâ nia ndoyo, ande i tamwata ipatea tu maka Juda tamâta pinde ma kapaipa kuku Kirisi ku kamo Maro Kindeni ne ngu mao. ¹² Ipatea tu maka Juda tamâta ma kamunga panzi tamâta rârâni nana kaloma tawana Kirisi ku kao tinima papa i tu ma iveta kie ara pama. I ilo tu maka ma kapanea i kasuka na kâki. ¹³ Maka kamo lee ku muli, ninennga miki tamâta lâ tinikoa ngu kalono pâri ara lâ, aku ngua mao ninde iyautemi piti lâ kondoma ilo. Lâ zo ninde, miki kala kapanga Maro Kindeni ne ngu mao, katogo maka mine. Miki kao nemi kalo-tawana ilâ pa Kirisi lâ, ninennga Maro Kindeni ipono muli pa i ne ngua pana mungana kala io Koroani Sapana imâ imo miki ilomi, itogo kilala tonje nana itula pwataki tu miki kamo i ne tamâta sonde. ¹⁴ Mungani Maro Kindeni ipa ngua tu ma iveta kie ara nâ panzi ne tamâta, aku Koroani Sapana itula pwataki tu ngua pana ninde ma ipanga kanao mao pa kinda. Mine kala kinda tasama tu muli, ande i ma ikai ne tamâta kinda talâ tamo ara ndo kuku i. Tapanea i tasuka na kâki!

Paulo ino pa Maro Kindeni tu i ma itula ilokalo ara panzi Efesus ngu

¹⁵⁻¹⁶ Maro Kindeni iveta ne ngua pana ninde ipanga kanao pa miki lâ. Mine kala nana uru kawangu ndange ilâ pa Maro Kindeni nana miki kâ. Munga, lâ zo ninde nana alono parinami tu miki kalomi tawana Yesu Kirisi ku kao ilomi ndo ilâ panzi Maro Kindeni ne tamâta rârâni,

ande naŋa kawâŋgu ndaŋge papa i mine nâ. Aku kawâŋgu ndaŋge mine lee ikura lâ zo ŋine. Naŋa uru kalonŋu ŋgere ŋanami lâ zo râŋâni naŋa akai noŋa papa i. ¹⁷ Naŋa uru ano pa nenda Maro Njalae Yesu Kirisi ne Maro Kindeni, ina kinda Tamânda, aku i ara tamwata. Naŋa ano tu i ne Koroani Sapâŋa ma ipananami ŋana i ne vetâŋa kê, aku naŋa ano tu Koroani Sapâŋa ma itula Maro Kindeni tamwata kilala pwataki pami tona, ŋana miki ma kasama i kilala sondo kê. ¹⁸ Naŋa uru ano papa i tu ma io ne sinâla imâ ipane ilomi kalomi. Ambo i ma iveta mine, ŋineŋga miki ma kasama kelekele ŋato ŋine: miki ma kasama tu kinda ma muli tamo kuku i, aku i ilo tu miki ma kao tinimi sondo ndo ŋana zo ŋinde kê; aŋga miki ma kasama tu i ma iveta kie ara ndo panzi ne tamâta, ikura ne ŋgua pâŋa muŋgâŋa mine; ¹⁹ aŋga miki ma kasama tu i ne walo kaika uru iveta wurâta lâ i ne kalo-tawana tamâta kinda ilonda kalonda, aku walo kaika ŋinde nde ŋalae tina. Walo tonŋe ipakura kuku i ne walo ŋinde, ande tia ndo. Nanayoni ikai ne walo kaika ndainani nâ, ²⁰ aku ipaŋo Yesu Kirisi imandi lâ mateŋa nianzi imo via kilo, ŋineŋga io i isaŋona pa i tini pa wia kê lâ samba lawea. ²¹ Kirisi imo ikai maro mine lâ samba lawea, aku ipolenzi koroani kaika kie-kie râŋâni simo lâ nia maa sikai poe pa kelekele kie-kie. I ŋa ŋalae ndo, ipole ŋoa râŋâni lâ nia ndoni, lâ zo ŋine wa zo muli-muli mine nâ.

²² Maro Kindeni io Kirisi ikai Maro Njalae pa kelekele ŋinde râŋâni, aku ipatea tu kinzi kalo-tawana tamâta ŋgu râŋâni ma simo i kalo tona.

²³ Kinzi kalo-tawana tamâta ngu nde simo sitogo Kirisi kie-mbalau mwasina, aku sipipi ndo lâ i ilo, itogo i kala uru ipazeze tamwata lâ kelekele rârâni ilonzi ku ipipi ndo lâ ilonzi mine nâ.

2

Muᅅga kinda tamo tatogonzi mateᅅa tamâta mine, andeta Maro Kindeni via mao ilua kinda lâ

¹ Muᅅga, ande miki kapaveta kuku vetâᅅa soki wa kiesaka kie-kie wa. Mine kala lâ zo muᅅgâᅅa ᅅinde miki kamo katogonzi mateᅅa tamâta mine lâ Maro Kindeni nao. ² Lâ zo muᅅgâᅅa ᅅinde, ande miki kapaveta kuku tâno ᅅine ne mâsi sakamao. Miki kaponu muli pa koroani saka nenzi koipu Sadana, ina kala uru ikai poe panzi koroani saka ᅅinde kala simo tava nenzi kaika lâ nia maa. Aku Sadana nde koroani ndainani uru ikai poe pa tamâta ᅅinde ilonzi kalonzi lâ zo ᅅine tona, kinzi ᅅinde taᅅanzi kaika pa Maro Kindeni. ³ Mao nâ, muᅅga kinda rârâni tamo tatogonzi tamâta ᅅinde, aku tapaveta kuku ilo-kalo siᅅga nâ. Lâ zo ᅅinde kinda taveta vetâᅅa ndia warakânda ilonda pateu tu taveta. Mine kala lâ zo muᅅgâᅅa ᅅinde, ande kindu kala tamo tamâta ᅅana takai Maro Kindeni ne wisi-nâna kâ, itogo nenda vetâᅅa soki-soki ᅅinde ne kulu mine. ⁴⁻⁵ Mao kanaᅅo, kindu warakânda nenda kiesaka ᅅinde iveta kindu tapâᅅga tatogonzi mateᅅa tamâta mine lâ Maro Kindeni nao. Taitu Maro Kindeni ne kalo-sukâᅅa wa tini-mwasa pa kindu nde ᅅalae tina. Mine kala lâ zo muᅅgâᅅa ᅅinde, ande i via mao ilua kindu lâ, itogo via mao

ņinde muņga ilua Kirisi mine. Maro Kindeni nde wisi-wisi warika, aku ņana duvi ņinde kâ iyaute kinda piti lâ kondoma ilo. ⁶ Kinda tapaipa kuku Kirisi lâ, aku ņine itogo Maro Kindeni ipaņo kinda tamandi tamo viânda kilo kuku Kirisi, aku itogo Maro Kindeni io kinda takai maro kuku Kirisi lâ samba lawea. ⁷ I ne vetâņa ara ņinde nde duvi mine; i ilo tu tamâta ndoni lâ zo muli-muli ma sisama tu i ne wisi-wisi nde ņalae tina. Aku Yesu Kirisi ne tini-mwasa pa kinda itula Maro Kindeni ne wisi-wisi ņinde kilala pwataki. ⁸ Miki kao nemi kalo-tawana ilâ pa Kirisi lâ. Mine kala ņana Maro Kindeni ne wisi-wisi ņinde kâ, ande iyautemi piti lâ kondoma ilo marumbu lâ. Miki kakura ņana kapavila warakami mine, ande tia ndo. ņinde Maro Kindeni iveta pami itogo i ne wisi-ara mine. ⁹ Miki nemi vetâņa ara pinde ņandai igagati Maro Kindeni ņana iyautemi piti lâ kondoma ilo ņga. Mine kala tamâta tonņe ikura ņana ipasuka tamwata tini ņana i tamwata ne vetâņa ara pinde kâ, ande tia. ¹⁰ Kinda tapaipa kuku Yesu Kirisi lâ. Mine kala Maro Kindeni iveta kinda tapâņga tamâta wasaseki, ņana ma taveta vetâņa arara ikura zo rârâni. Aku i nanayoni ipatea vetâņa arara ņinde pa kinda tu taveta kâ.

Kirisi ipupu kazâņa imâte lâ, aku ivetanzi ņgu rua simo taitu

¹¹ Miki tinami-tamami simo lâ ņgu pinde. Mine kala miki nde Juda tamâta tia. Aku miki kasama tu kinzi Juda tamâta uru siporo tu, “Maka nde Maro Kindeni ne ņgu sonđo, ņana

tu maka kakai karae-veŋa ne mâsi lâ tinima.” Andeta kinzi uru siporo ŋgua ŋana miki tamâta lâ tinikoa ŋgu mine tu, “Kinzi nde Maro Kindeni ne ŋgu tia, ŋana tu kinzi ŋandai sikai karae-veŋa ne mâsi lâ tininzi ŋga”. Andeta ŋgua kaŋa mine nde ŋgua kaa nâ ŋana tamâta nâ nenzi mâsi kâ. Mine kala ara ŋana miki ma kalomi ŋgere sondo ŋana ŋine kâ; ¹² Muŋgani, miki kamo lâ tinikoa ŋgu, aku miki kasama Kirisi kilala tia. Lâ zo ŋinde miki kamo lombo nâ, ŋana tu miki kamo piti ndo ŋana Maro Kindeni ne pateâŋa tamâta simo lâ Isrel ŋgu. Lâ zo muŋgâŋa ŋinde miki kamo niaka ŋana Maro Kindeni ne ŋgua pâŋa kâ. Miki kazizâla ŋana Maro Kindeni kâ, aku miki kakura tu kao tinimi ŋana vetâŋa ara tonje tu ma imâ ipâŋga pami lâ zo muli kâ, ande tia. ¹³ Muŋga miki kamo malawae mine. Taitu lâ zo ŋine, ande miki kapaipa kuku Yesu Kirisi lâ, aku Kirisi ipaliŋi i tamwata see tu ikai nzâla piti pami ŋana kalâ kamo i tini laiti.

¹⁴⁻¹⁵ Kirisi tamwata nde wisi-pisi warika. Mine nde ina iveta maka Juda ŋgu kamo iloma taitu kunzi tinikoa ŋgu. Muŋga Juda ŋgu sikai kazâŋa panzi ŋgu pinde rârâni, aku kazâŋa ŋinde iveta Mose ne ŋgua tukuŋa ipâŋga itogo ŋgumbi ŋana ipunzi pwapwataki simo piti piti. Andeta Yesu Kirisi ne mateŋa ipu ŋgumbi ŋinde pwataki lâ, aku izavaru kazâŋa ŋinde piti lâ. Aku lâ zoni ndaina, ande Kirisi izavaru walo piti lâ Mose ne ŋgua tukuŋa tava ŋgua tukuŋa kiri-kiri pinde rârâni tona. I ne vetâŋa ŋinde nde duvi mine; i ilo tu igonanzi ŋgu rua ŋinde sipasipa lâ taitu kuku i, ku ivetanzi sipâŋga ŋgu wasaseki. Aku i

ne vetâŋa ñinde iveta kinda tamo tava wisinda pisi nâ. ¹⁶ Kirisi imâte lâ kâi popole tini ñana itunzi ŋgu rua ñinde simo lâ see ŋgu taitu, aku imâte ñana ikainzi sitaulo simâ pa Maro Kindeni kilo. Aku lâ kâi popole tini, ande ipupu kazâŋa muŋga ikeno tamâta ŋgininzi ñinde imâte ndo lâ. ¹⁷ Kirisi imâ lâ, aku itula pâri ara ñana i ne wisi-pisi kâ pwataki pa miki tinikoa ŋgu, miki ñinde muŋga kamo malawae ndo ñana Maro Kindeni kâ. Aku itula pâri ara ndainani nâ panzi Juda ŋgu tona, kinzi ñinde muŋga simo Maro Kindeni tini laiti. ¹⁸ Kirisi igona kinda rârâni tamo see ŋgu taitu nâ. Mine kala Koroani Sapâŋa taituni ñinde uru ivila kinda rârâni, maka Juda tamâta wa miki tamâta lâ tinikoa ŋgu wa, ñana kinda takura tu tamandi Tamânda Maro Kindeni nao.

Kinda kalo-tawana tamâta rârâni nde tamo Maro Kindeni natu wukale

¹⁹ Mine kala lâ zo ñine, ande miki tamâta lâ tinikoa ŋgu kamo katogonzi tamâta lombo mine, ande tia. Miki kamo lâ ŋgu taitu kunzi Maro Kindeni ne kalo-tawana tamâta, kala kamo katogo i natu wukale mine. ²⁰ Miki katogo luma tonje Maro Kindeni ipa kâki mine. I muŋga iŋgunu maka pâri-tamâta tavanzi ŋgua-tulâŋa tamâta kamo katogo luma ñinde ne ŋgunu-ŋgunu. Anja Yesu Kirisi tamwata nde imo luma ñinde ne ŋgunu-ŋgunu tina mao. ²¹ Luma ñinde ne tuka rârâni nde sipasenje lâ taitu ku sipaipa ndo kuku Kirisi nâ. Aku Maro Kindeni ñandai iveta luma ñinde ndoni marumbu ŋga. I ma imo ipa luma ñinde kâki lee, ikura lâ zo

ndia luma n̄inde ma ip̄aŋga itogo Maro N̄alae tamwata ne luma sap̄aŋa mao mine. ²² Aku miki kala kapaipa kuku Kirisi mine n̄a. Mine kala Maro Kindeni igona miki kam̄a kamo taitu kunzi kalo-tawana tam̄ata r̄ar̄ani. Miki r̄ar̄ani kap̄aŋga katogo Maro Kindeni ne luma mao, aku i tamwata ne Koroani Sap̄aŋa uru imo luma n̄inde ilo.

3

Paulo ne wur̄ata nde n̄ana itula p̄ari ara panzi tam̄ata lâ tinikoa n̄gu

Kolosi 1:24-27

¹ Miki r̄ar̄ani kap̄aŋga katogo Maro Kindeni ne luma mao mine, aku n̄ana duvi n̄inde k̄a n̄aŋa Paulo uru akai noŋa papa i tu ma ivilami. Kala zo n̄ine n̄aŋa amo luma sakamao ilo, n̄ana tu n̄aŋa aveta wur̄ata pa Yesu Kirisi n̄ana atula p̄ari ara pa miki tam̄ata lâ tinikoa n̄gu.

² N̄aŋa atu miki kalon̄o n̄aŋa parin̄angu tâ. Maro Kindeni ipateo n̄aŋa tu ma aveta wur̄ata n̄ine n̄ana avila miki k̄a, aku n̄ine itula pwataki tu i ne wisi-wisi ikeno pa n̄aŋa. ³ Maro Kindeni tamwata itula ne vet̄aŋa pavēaŋa n̄inde pwataki pa n̄aŋa marumbu lâ. N̄aŋa muŋga n̄a an̄gere n̄gua mbuku taitu pami n̄ana n̄ine k̄a. ⁴ Ambo miki ma kapon̄o n̄gua n̄inde son̄do, ande ma kasama tu n̄aŋa asama Kirisi ne vet̄aŋa pavēaŋa n̄inde kilala son̄do lâ. ⁵ Lâ zo muŋḡaŋa r̄ar̄ani, ande Maro Kindeni n̄andai itula vet̄aŋa pavēaŋa n̄inde ip̄aŋga n̄ia yo panzi tam̄ata n̄ga. An̄ga lâ zo n̄ine, ande Maro Kindeni ne Koroani

Sapâña itula ñine pwataki lâ panzi ne pâri-tamâta wa kinzi ñgua-tulâña tamâta wa, kinzi ñinde i munğa ipateanzi papa i tamwata. ⁶ Maro Kindeni ne vetâña paveâña ñinde ande mine; pâri ara ikai nzâla piti pa miki tamâta lâ tinikoa ñgu, ñana miki kakura tu kapânga kamo lâ see ñgu taitu kuku maka Juda tamâta. Mine kala Maro Kindeni ne vetâña ara imâ pa miki tona, aku Yesu Kirisi iveta Maro Kindeni ne ñgua pâña munğâña ñinde ipânga kanaño pa kinda rârâni.

⁷ Maro Kindeni io ne wisi-wisi imâ pa naña itogo wisi-ara mine, ne kulu tia. Aku ñana i ne wisi-wisi ñinde kê ande ipatea naña apânga i ne wurâta tamâta ñana atula pâri ara ñine kê. I ne walo kaika nde iveta wisi-wisi ñinde imâ pa naña. ⁸ Naña amo atogo tamâta kaa nâ lâ Maro Kindeni ne tamâta rârâni naonzi. Taitu i ne wisi-wisi imâ pa naña lâ, kala i wurâta ara ñinde ilua naña ñana atula pâri ara panzi tamâta lâ tinikoa ñgu. Pâri ara ñinde nde ara ndo, aku ipânga kekekele ñalae tina kala ipole kinda tamâta nenda ilo-kalo. ⁹ Aku Maro Kindeni wurâta ara tonje kilo kala ilana tona. Ñinde nde wurâta ñana atula pwataki tu i ma iveta vetâña paveâña ñinde mâsi mana. Maro Kindeni, inani nia ndoyo ipulianzi kekekele rârâni sipânga lâ, ande ipatea tu i ne vetâña ñinde ma ikeno paveâña nâ ikura zo munğâña rârâni. ¹⁰ I wurâta ñinde ilua naña ñana duvi ñine kê; i ilo tu lâ zo ñine, ande i ne kalotawana tamâta ñgu ma situla i ne ilo-kalo kie-kie rârâni pwataki panzi koroani kaika simo samba ilo. ¹¹ Nia ndoyo, Maro Kindeni ipatea tu nenda

Maro Njalae Yesu Kirisi ma ikai nzâla piti panzi i ne ngu nana situla ilo-kalo ninde pwataki kâ, ande kala vetânani ndaina nde ipânnga lâ, ikura Maro Kindeni ne pateâna mine. ¹² Kinda kalonda tawana Kirisi, aku tapaipa kuku i lâ. Mine kala lâ zo ndia tamandi Maro Kindeni nao, ande kinda taruru tia. Kinda tasama tu i ma ilo ara nâ pa kinda.

¹³ Mine kala nîne naña ano pami tu miki ma ilomi malia nana nâna nîne naña uru akai nana avilami kâ, mine ndimo. Ara nana miki ma kandeka nâ, nana tu nanengu nâna nîne itula pwataki tu Maro Kindeni iveta kie ara pami lâ.

Paulo ikai noña pa Maro Kindeni tu ma ivilanzi Efesus ngu nana simandi kaika kâ

¹⁴ Naña uru kalongu ngere nana vetâna ara ninde kinda Tamânda munnga iveta pami, aku nîne igagati ilongu kalongu nana apare tukungu ndue akai noña papa i. ¹⁵ I tamwata na nde ikeno ne ngu rârâni tininzi, kinzi anjelo ninde simo samba ilo wa kinda tamâta nîne tamo tâno kulu wa. I nde kinda rârâni Tamânda. ¹⁶ I imo samba ilo, aku ikura tu iveta vetâna arara kie-kie. Mine kala naña ano papa i tu i ne Koroani Sapâna ma io ne walo kaika lâ ilomi kalomi, nana miki ma kakura tu kamandi kaika nâ. ¹⁷ Ninennga nemi kalo-tawana ma ilâ sondo pa Kirisi, aku i ma imo ilomi. Aku naña ano papa Maro Kindeni tu miki ma tinimi mwasa ndo panzi tamâta rârâni, aku nemi tini-mwasa ninde ma isukami nana kamandi kaika kâ. ¹⁸ Ambo miki ma kamo mine, ande miki katavanzi Maro Kindeni ne tamâta rârâni ma kakura tu kasama Kirisi ne tini-mwasa

ņinde kilala sondo. I ne tini-mwasa ņinde nde ņalae ndo. ¹⁹ Mao nâ, Kirisi ne tini-mwasa ņinde nde ipole kinda tamâta nenda ilo-kalo marumbu lâ. Ambo miki ma kasama tini-mwasa ņinde kilala sondo, ande Maro Kindeni tamwata kilala ma ipipi ndo lâ ilomi kalomi.

²⁰ Maro Kindeni tamwata ne walo kaika uru ikai wurâta lâ ilonda kalonda, aku walo kaika ņinde nde ņalae ndo. Mine kala vetâņa ndia ilonda patea tu ma tano papa Maro Kindeni ņana iveta kâ, ande i ikura ndo ņana iveta vetâņa ņinde rârâni. ņinde nde wurâta ņalae papa i nde tia, ņana tu i ne walo ipole kinda nenda ilo-kalo marumbu lâ. ²¹ Mine nde ara ņana kinda kalo-tawana tamâta rârâni ma talâ taitu kuku Yesu Kirisi ku tapanea Maro Kindeni tasuka i ņa kâki, ma taveta mine ku tamo nâ. Mao.

4

Kinda kalo-tawana tamâta tamo tatogo Kirisi kie-mbalau mine

¹ Mine kala miki kaloņo sondo ņga. Naņa uru aveta wurâta pa Maro ņalae, aku ņana duvi ņine kâ naņa amo luma sakamao ilo. Mine kala naņa atu apaņo ilomi kalomi, ņana miki ma kapaveta kuku vetâņa arara nâ, ikura Maro Kindeni ipatea pami lâ zo ņinde isarâwa pami tu kao nemi kalo-tawana ilâ papa i.

² Ikura zo zo miki taitu-taitu ma kapatawa warakami tinimi, aku kamo mwasa nâ kunzi nimi-nambwe kalo-tawana tamâta. Miki ma wisimi nâna walele panzi ņana vetâņa soki siveta pami, mine ndimo. Miki ilomi ndo ikeno

panzi; mine nde miki ma kazavaru nenzi vetâṅa soki ṅinde piti lâ. ³ Koroani Sapâṅa ikura tu ivetami kamo ilomi kalomi taitu nâ. I ne wisi-pisi nde imo kumi, aku wisi-pisi ṅinde itogo wâlo ṅana ipa miki kamo ṅgu taitu. Mine nde ara ṅana miki ma kaveta wurâta kaika ṅana kamo ilomi kalomi taitu mine.

⁴ Kinda kalo-tawana tamâta tamo see ṅgu taitu nâ, aku Koroani Sapâṅa taitu nâ imo. Aku mine nâ, Maro Kindeni ilo tu miki ma kamâ taitu ku kao tinimi pa i tu ma iveta kie ara pami, ikura muṅga itula pwataki mine, lâ zo ṅinde isarâwa pami tu kalomi tawana i. ⁵ Maro Ṅalae taitu nâ imo, aṅga kalo-tawana taitu nâ ikeno, aṅga lââliliṅa taitu nâ ikeno. ⁶ Aku Maro Kindeni taitu nâ imo, ina kinda tamâta rârâni Tamânda. Ikai maro pa kinda rârâni wa, imo isala kinda rârâni wa, imo kinda rârâni ilonda wa.

⁷ Taitu Maro Kindeni io ne wisi-wisi ṅalae ṅinde imâ pa kinda taitu-taitu ṅana taveta wurâta pinde, ikura Kirisi iwae pa kinda mine. ⁸ Ṅana ḍuvi ṅinde kê, Maro Kindeni kawa ṅgua ikeno lâ pepa tini mine tu,

“Ikâki ilâ imo âta ndo, aku lâ zo ṅinde ikainzi ne kazâṅa tamâta soka muli silâ, kinzi ṅinde muṅga ipolenzi lâ paraṅa ilo ku wâlo nâ ipanzi kaika lâ. Andeta iwae wisi-ara panzi ne tamâta.”

⁹ (Ṅgua ikeno mine tu, “Ikâki ilâ imo âta ndo”, aku ṅine itula pwataki tu Kirisi muṅga indue ilâ tâno ilo pa lâmbu ndo. ¹⁰ Mine kala kinda tasama tu Kirisi muṅga indue imâ, aku muli inani kala ikâki ilâ kilo. Ikâki ilâ imo nia maa

ikeno âta ñinde kulu. Mine kala ikura ñana imo nia ndoni.) ¹¹ Aku inani munğa ipatea wurâta panzi ne tamâta. Ipateanzi tamâta pinde ñana ma simo i ne pâri-tamâta, anğa ipateanzi tamâta pinde ñana ma simo nguatulâña tamâta. Ipateanzi tamâta pinde ñana soka silâ lawea lawea situla pâri ara, anğa ipateanzi tamâta pinde ñana sikai poe panzi i ne kalo-tawana tamâta ngu wa sipanananzi wa. ¹² Kirisi ne vetâña ñinde ne duvi nde mine; i ilo tu Maro Kindeni ne tamâta rârâni ma sikura tu siveta wurâta sondo papa i, ñana i ne ngu ñinde nenzi kalo-tawana ma ikeno kaika nâ. ¹³ Kinda ma taveta wurâta mine lee, ikura lâ zo muli ñinde kinda ma naonda rege nâ tao nenda kalo-tawana ilâ mao nâ papa i. Lâ zo ñinde, kinda ma tasama Maro Kindeni Natu kilala sondo. Ninenğa kinda ma tamo tatogonzi tamâta sondo, aku Kirisi kilala ma ipipi ndo lâ ilonda kalonda.

¹⁴ Lâ zo ñinde, kinda ma tamo tatogonzi lâlu puro-puro kilo, ande tia. Mine kala kinzi lañeña tamwatanzi ma sikura tu siveta ngua kaña mona-mona ku silaņe kinda kilo, ande ma tia. Kinzi uru siporo ngua lañeña ku siyaula tamâta pinde nenzi kalo-tawana. Taitu lâ zo muli ñinde, ande ngua kaña mine ma ikura tu itinği kinda talâ wa tamâ wa, itogo lawea itinği wânğa isakoko potomule mine, ande ma tia. ¹⁵ Andeta ara ñana kinda ma taporo ngua mao nâ, ñana tu ñine ma itula pwataki tu kinda tininda mwasa nâ panzi tamâta. Ambo kinda ma taveta mine, ande kinda ma tatumbu lee ku muli nga ma tapaipa ndo kuku Kirisi, ina kala

imo kulu-kâmba panzi kalo-tawana tamâta ngu. ¹⁶ Kinda tamo Kirisi ne tamâta, aku tamo tatogo i kie-mbalau mwasina. Kinda karaenda ne tini pinde-pinde rârâni nde sipasenje lâ taitu, aku tukânda rârâni nde sisuka karaenda tu imandi kaika. Aku mine nâ, Kirisi imo kulu-kâmba pa i ne ngu kinda, aku isenje kinda rârâni tamo taitu. Mine kala miki kalonjo nga; ambo kinda rârâni taitu-taitu ma tininda mwasa nâ panzi kalo-tawana tamâta wa kasukanzi wa taveta wurâta ikura Kirisi ipatea pa kinda wa, ande nenda kalo-tawana ma ikeno kaika ndo.

Kinda kalo-tawana tamâta ma taveta vetâña wasaseki

¹⁷ Mine kala naña atu aporo ngua tongge pami. Naña akai Maro Nalae kawa ku aporo kaika mine tu miki ma kapaveta kuku kinzi tinikoa nenzi vetâña kilo ndimo. Kinzi nenzi ilo-kalo nde kelekele kaa nâ. ¹⁸ Kinzi ilonzi kalonzi nde pasâsâe ndo lâ, aku ñine itogo kinzi simo lâ kondoma ilo. Kinzi ilonzi kalonzi tia ndo, aku tininzi pwâka tu sikai ilo-kalo ara kê. Mine kala kinzi simo piti ndo ñana via mao ñinde Maro Kindeni ilo tu ilanzi tamâta rârâni. ¹⁹ Kinzi mainzi ñana vetâña uru siveta ñinde, ande tia ndo. Kinzi sipatambira warakanzi silâ ñana siveta vetâña sakamao nâ, aku ilonzi nde igagatinzi ndo ñana sipalulua warakanzi tininzi potomule nâ.

²⁰⁻²¹ Naña asama tu miki kalonjo Kirisi parina marumbu lâ. Miki kaponu muli papa i lâ, aku kapanâna sondu ndo ñana Yesu ne ngua mao kê. Aku naña asama tu kinzi kalo-tawana tamâta

ɳandai sipananami ɳana kapaveta kuku tinikoa nenzi vetãɳa sakamao ɳinde ɳga. ²² Kinzi sipananami ɳana kapu mulimi pa ilo-kalo siɳga ne vetãɳa. Ilo-kalo ɳinde nde uru ilanɳenzi tamãta, aku iveta ilonzi kãki ɳana siveta vetãɳa sakamao kã, kala sipayaula. Mine nde kinzi kalo-tawana tamãta sipananami ɳana kapile ilo-kalo siɳga ɳinde, ²³ aku kasãu pa Maro Kindeni tu iveta ilomi kalomi ipãɳga wasaseki ndo. ²⁴ Aku sipananami ɳana kapono muli pa ilo-kalo wasaseki, ilo-kalo ndainani Maro Kindeni iveta ipãɳga itogo i tamwata kilala mine. Ambo tamãta tonɳe ma ipono muli pa ilo-kalo ara ɳinde, ande tamãta rãrãni ma simora pwataki tu ikai via mao marumbu lâ, ɳana tu i ma iveta vetãɳa rãrãni sondo ku ara ndo lâ Maro Kindeni nao.

²⁵ Mine kala naɳa aporo kaika tu miki ma kapile nemi mãsi ɳana kaporo ɳgua lanɳeɳa kã, aku miki rãrãni ma kaporo ɳgua mao nã panzi nimi-nambwe kalo-tawana tamãta, ɳana tu kinda rãrãni tamo see ɳgu taitu. ²⁶ Ambo noko wisi nãna, ande kupakatona sondo ɳga. Tia ma kuveta kiesaka. Ambo noko wisi nãna lee kari indue mbo, ande ɳinde ara tia ndo. ²⁷ Ambo noko wisi nãna ikura zo luandondo, ande ɳine itogo noko pwai nzãla piti pa Sadana ɳana ma imã ilanɳeno ɳana kuveta kiesaka kã. ²⁸ Anɳa miki panaweɳa tamwatami, miki ma kapanãwe kilo ndimo. Ara ɳana miki ma kaveta wurãta mao lâ warakami mbaumi. Ambo miki ma kaveta mine, ande miki ma kagona mbumbu pinde, ɳinɳeɳga ma kakura ɳana kasukanzi sugorai tamãta.

²⁹ Miki ma kawami kaporo ŋgua soki kie-kie ndimo. Ŋgua ara nâ ma ipâŋga lâ kawami, ikura ŋana isukanzi tamâta ea siloŋo nemi ŋgua ŋinde. Ambo miki ma kaporo ŋgua ara, ande ŋinde ma ivilanzi tinimi pinde. ³⁰ Ambo miki ma kaporo ŋgua soki panzi tamâta, ande ŋinde ma iveta Koroani Sapâŋa ilo malia. Aku ŋinde ma ara tia ndo, ŋana tu Maro Kindeni muŋgani io Koroani Sapâŋa imâ pami itogo i kilala mine, aku i uru itula pwataki tu miki kamo Maro Kindeni ne tamâta sonde. Mine nde miki kasama tu muli ŋga Maro Kindeni ma ikaimi kataulo kamâ kamo ara ndo kuku i. ³¹ Miki ma kapile vetâŋa sakamao kie-kie mine; mâsi ŋana ilomi makisa kê, aŋga mâsi ŋana wisimi nâna kê, aŋga mâsi ŋana kapawa ŋgua kê, aŋga mâsi ŋana kaporo ŋgua pavaligiŋa kê. Miki ma kapaveta kuku vetâŋa potomule ndimo. ³² Ara ŋana miki ma kalomi sukâŋa mao nâ panzi nimi-nambwe kalo-tawana tamâta, aku kaveta kemi ara nâ panzi. Ambo noko ninambwe tonje iveta soki pano, ande noko ma kuzavaru vetâŋa soki ŋinde piti lâ. Miki kalomi ŋgere sonde ŋga; miki kalomi tawana Kirisi lâ, aku ŋana nemi kalo-tawana ŋinde kê Maro Kindeni muŋgani izavaru warakami nemi kiesaka piti mine nâ.

5

Kinda ma toka lâ sinâla ne nzâla

¹ Mine nde ara ŋana miki ma kapaveta kuku vetâŋa rârâni Maro Kindeni ilo papa ŋinde, ŋana tu i ilo ndo keno pami, aku miki kamo i natu wukale. ² Miki ma kapaveta sonde ndo

kuku tini-mwasa ne vetâña, itogo Kirisi tini mwasa ndo pa kinda kala io tamwata ne via ilâ pa mateña ñana ivila kinda kâ. I io tamwata ne via ilâ pa Maro Kindeni itogo patarawâña ne kuwae ara ndo mwasina, aku Maro Kindeni ilo ara ndo ñana patarawâña ñinde kâ.

³ Miki kamo Maro Kindeni ne tamâta sapâña. Mine kala miki ma kapalulua tinimi potomule ndimo, aku ma kapaveta kuku vetâña muso kie-kie ndimo. Miki ma ilomi yosi pa tinimi pinde nenzi kelekele ndimo. Miki ma kandeka ku kaporo ñgua ara tini mwata nâ ñana vetâña sakamao kie mine ndimo. ⁴ Aku miki ma kaporo ñgua sakamao wa ñgua kapa-kapa wa ñgua logi-logi sakamao wa, mine ndimo. Ñgua kaña mine nde ara tia ndo. Ara ñana kinda ma kawânda ndanġe ñalae ilâ pa Maro Kindeni, aku ñgua kaña ara mine ma ikai ñgua sakamao kie-kie ñinde nia. ⁵ Miki kalonjo sondo ñga; tamâta ea sipalulua tininzi potomule wa siveta vetâña muso wa ilonzi yosi pa tamâta pinde nenzi kelekele wa, ande kinzi tamâta mine ma sikura tu simo kuku ñgu ñinde Maro Kindeni kuku Yesu Kirisi rua uru sikai maro papa, ande tia ndo. Mâsi ñana ilonda yosi kâ nde irerege kuku mâsi ñana tawâñgi tapaneanzi maro lañeña kâ. ⁶ Miki kapakatona sondo ñga. Tia ma tamâta pinde silañemi ku siporo ñgua mona-mona pami ñana vetâña potomule ñinde kâ. Maro Kindeni ne wisi-nâna ikeno panzi tamâta ea siveta vetâña potomule kie-kie ñinde, kinzi ñinde tañanzi kaika papa i ne ñgua. ⁷ Mine nde miki ma tinimi piti ndo ñana lañeña tamwatanzi

ņinde nenzi vetâņa kâ.

⁸ Muņga, ande miki warakami kala kamo kondoma ilo, taitu lâ zo ñine miki kapaipa kuku Maro Ñalae kala kamo sinâla ilo. Mine nde ara ñana miki ma kamo katogonzi sinâla ne tamâta mine. ⁹ Ñana tu sinâla uru ipula kanaņo ara nâ lâ tamâta ilonzi kalonzi. Mine kala siveta vetâņa ara wa vetâņa ipakura kuku Maro Kindeni ne ñgua mao wa vetâņa sondo ndo lâ Maro Kindeni nao wa. ¹⁰ Aku ara ñana miki ma kapanâna ñana vetâņa ndia Maro Ñalae ilo papa ñinde tona. ¹¹ Miki ma tinimi piti ndo ñana kondoma ne vetâņa kaa kaa tamâta pinde uru siveta ñinde. Vetâņa kie mine uru ipula kanaņo ara lâ tamâta ilonzi kalonzi, ande tia. Ara ñana miki ma katula vetâņa kie mine kilala pwataki panzi tamâta. ¹² Andeta naņa tiningu pwâka tu atula ñgua ñana vetâņa sakamao uru sipavea ku siveta ñinde. Naņa maingu ñana aporo ñgua ñana vetâņa kie mine. ¹³ Taitu sinâla itula vetâņa rârâni kilala pwataki. ¹⁴ Aku lâ zo ñana sinâla isinala nia kondoma kâ, ande kondoma ñinde ma ipâņga itogo sinâla mine. Mine kala ñgua tonje ikeno mine tu,

“Noko tamâta ndai, nokoni kala uru pweno mata nâ, ande kumandi sânda tâ! Ambo noko ma kumandi lâ mateņa nianzi kumo via kilo, ande Kirisi ne sinâla ma ipaneno.”

¹⁵ Mine nde miki ma kapakatona sondo ñana nemi vetâņa kâ. Miki ma kamo katogonzi tamâta ñinde nenzi ilo-kalo tia, mine ndimo. Ara ñana miki ma kamo katogonzi tamâta simo tava nenzi ilo-kalo ara, ¹⁶ ñana tu zo kala kinda

tamo ñine, ande kiesaka ne zo. Mine nde ara ñana miki ma kaveta vetâña ara nâ ikura zo zo. Tia ma zo ñine ilâ kaa nâ. ¹⁷ Mine nde miki ma kapakatona sondo, aku kapaveta kuku vetâña kapa-kapa ndimo. Ara ñana miki ma kapanâna ñana vetâña ndia Maro Ñalae ipatea pami ñinde.

¹⁸ Miki ma kanu lââ kaika ñalae ku kadauda ndimo, ñana tu vetâña kie mine ma iyaula miki ndo. Ara ñana mâsi ñine ma ikai dadauña ne mâsi ñinde nia; miki ma kao ilomi kalomi ilâ pa Koroani Sapâña, ñana i ma ipipi ndo lâ ilomi kalomi ku ikai poe sondo pami. ¹⁹ Lâ zo ndia miki kaporo ñgua kunzi nimi-nambwe kalo-tawana tamâta pinde, ande ara ñana miki ma kakai ñgua pinde ikeno lâ wâñgiña paneâña kâ tava wâñgiña pinde Koroani Sapâña itula lâ ilomi kalomi, aku kaporo ñgua kaña mine panzi. Aku lâ zo ndia miki kawâñgi wâñgiña paneâña kâ pa Maro Ñalae, ande miki ma kaveta mine tava ndekâña wa paneâña wa. ²⁰ Aku ikura zo zo, miki ma kaporo kawami ndange ilâ pa Tamânda Maro Kindeni lâ nenda Maro Ñalae Yesu Kirisi ña, ñana vetâña ndia rârâni ipâñga pami.

Paulo iporo ñgua panzi tamâta sipakâe lâ

²¹ Miki uru kamege ñana Kirisi kâ. Mine nde ara ñana miki taitu-taitu ma kapatawa warakami tinimi ku kamo kalo-tawana tamâta rârâni kalonzi. ²² Miki taine, miki ma kapatawa warakami tinimi ku kaponu muli pa kaiwami tamâne kawanzi ñgua, itogo uru kaveta pa Maro

Ŋalae mine. ²³ Ŋana tu tamâne imo kulu-kâmba papa kaiwa taine, itogo Kirisi imo kulu-kâmba panzi kalo-tawana tamâta ŋgu mine. Aku Kirisi tamwata imo kinda kalo-tawana tamâta ŋgu nenda Yautâŋa Tamwata, kinda ŋine kala tamo tatogo i kie-mbalau mine. ²⁴ Kinda kalo-tawana tamâta uru tapatawa warakânda tininda ku tamo Kirisi kalo. Aku ara ŋana miki taine kala ma kapatawa warakami tinimi mine nâ ku kamo kaiwami tamâne kalonzi ikura zo zo.

²⁵ Anŋa miki tamâne, miki ma tinimi mwasa ndo panzi kaiwami taine, itogo Kirisi tini mwasa ndo panzi kalo-tawana tamâta ŋgu mine. Muŋga Kirisi ne tini-mwasa ŋinde igagati i ŋana io tamwata ne via ilâ pa mateŋa ŋana ivilanzi kalo-tawana tamâta. ²⁶ Mao nâ, ipile tamwata ne via ŋana ivetanzi ne kalo-tawana tamâta ŋgu simo ilonzi mbâra-mbâra. I muŋga itula Maro Kindeni kawa ŋgua panzi ŋgu ŋinde, aku ililinzi lâ lââ ŋana izavaru kiesaka ne muso piti lâ ilonzi kê. ²⁷ I ne vetâŋa ŋinde nde duvi mine; i ilo tu ma ikai ŋgu ŋinde papa i tamwata. Mine kala ivetanzi simo ara ndo, itogo taine taipa tonŋe i tini wa ilo ndoni nde zuzuli ndo, aku ne soki tonŋe tia. ²⁸ Aku miki tamâne kala mine nâ, miki ma tinimi mwasa ndo panzi kaiwami taine, itogo uru tinimi mwasa pa warakami karaemi mine. Ambo tamâta tonŋe tini mwasa ndo papa i kaiwa taine, ande i uru tini mwasa pa tamwata tona. ²⁹ Kinda tasama tu tamâta uru sikai kazâŋa pa warakanzi karaenzi, ande tia ndo. Kinzi uru sisua warakanzi karaenzi ku sikatona sondo ndo, itogo Kirisi kala iveta pa kinda kalo-tawana

tamâta mine. ³⁰ Nana tu kinda tamo tatogo Kiriſi kie-mbalau mwasina. ³¹ Maro Kindeni kawa ŋgua ikeno lâ pepa tini mine tu, “Mine kala tamâne ma ipilenzi tina-tama ku ipasipa kuku kaiwa taine, aku kinzi rua ma sipânga itogo karaenzi taitu nâ mine.” ³² Ngua ŋalae tonje ikeno paveâŋa nâ lâ Maro Kindeni ne ŋgua ŋinde ilo. Naŋa warakângu ilonngu patea tu ŋgua ŋine nde ŋgua siâŋa ŋana Kiriſi tavanzi ne kalo-tawana tamâta ngu. ³³ Taitu ŋgua ŋine nde iyoke miki tona. Miki tamâne taitu-taitu ma tinimi mwasa ndo panzi kaiwami taine, itogo tinimi mwasa pa warakami mine. Aku miki taine taitu-taitu ma kamege ŋananzi kaiwami tamâne.

6

Paulo iporo ŋgua panzi lâlu wa tinanzi tamanzi wa

¹ Miki lâlu, miki ma kalomi ŋgere ŋana Maro Njalae kê, aku kaponu muli pa tinami-tamami kawanzi ŋgua. Vetâŋa mine nde vetâŋa sondu ndo.

² Nana tu Maro Kindeni kawa ŋgua ikeno lâ pepa tini mine tu,

“ ‘Miki ma kamege ŋananzi tinami-tamami, aku kaveta ikura nenzi ŋgua mine’ ”.

Ngua tukuŋa ŋinde nde imuŋga panzi ŋgua tukuŋa pinde rârâni ŋana itula ŋgua pâŋa tonje tona. Ngua pâŋa ŋinde nde ikeno mine;

³ “Ambo miki ma kaveta mine, ande miki ma kamo ara, aku ma kamo zo luandongo lâ tâno ŋine kulu.”

⁴ Anḡa miki lâlu ḡinde tamanzi, ande miki ma kavetanzi natumi wisinzi nâna pami, mine ndimo. Miki ma kakatonanzi sondo lâ Maro Ḥalae nao, aku katula nzâla ara panzi ku kapanananzi, ikura Maro Ḥalae ipatea pami mine.

Paulo iporo ḡgua panzi tamâta uru siveta wurâta koa tia nâ wa kinzi tamâta ḡalaḡala wa

⁵ Anḡa miki tamâta ea uru kaveta wurâta koa tia nâ panzi tamâta ḡalaḡala, miki ma kapaloḡo pa nemi koipu ḡinde nenzi ḡgua, aku kamege ndo ḡananzi. Miki ma kamege mao nâ ḡananzi, aku kakai laḡeḡa panzi ndimo. Aku miki ma kaveta wurâta ara nâ panzi ikura zo rârâni, itogo uru kaveta pa Kirisi mine. ⁶ Zo pinde miki nemi tamâta ḡalaḡala simo kumi ku silea pa nemi wurâta, aku miki uru kapaloḡo pa nenzi ḡgua, ḡana tu miki ilomi tu kinzi ma ilonzi ara pami ḡana nemi wurâta kâ. Taitu ara ḡana miki ma kaveta wurâta ara mine nâ lâ zo ndia kinzi simo malawae ḡanami tona. Miki kamo Kirisi ne wurâta tamâta; mine nde miki ma kamandi kaika aku ilomi ndeka ḡana kaveta vetâḡa ndia Maro Kindeni ipatea pami. ⁷ Miki ma ilomi ara nâ ḡana kaveta wurâta koa tia nâ panzi nemi tamâta ḡalaḡala, ḡana tu miki ḡandai kaveta wurâta panzi tamâta nâ; miki kaveta wurâta papa Maro Ḥalae tamwata tona. ⁸ Miki kalomi ḡgere sondo ḡga; Maro Ḥalae ma kulu ara ilanzi tamâta rârâni siveta nenzi wurâta ara. I ma iveta kie taituni mine panzi tamâta ea sikai mbaliḡa lâ nenzi wurâta tini, sitavanzi tamâta ea siveta wurâta koa tia nâ.

⁹ Anḡa miki tamâta ŋalanjala, miki kala ma kaveta kemi ara nâ panzi tamâta rârâni uru sikai wurâta koa tia nâ pami ŋinde. Miki ma kapile mâsi ŋana kaveta ruruŋa panzi kâ. Kalomi ŋgere sondo ŋga; Maro Ŋalae imo samba ilo, aku inani ikai maro pa miki wa kinzi wa. I uru iveta vetâŋa kie taituni panzi tamâta rârâni.

Kinda kalo-tawana tamâta tamo tatogonzi zugu tamâta mine

¹⁰ Ayo, kala ŋine naŋa ma aporo ŋgua mbuku taitu ŋine, ŋineŋga nanenḡu ŋgua rârâni ma marumbu. Miki kapaipa kuku Maro Ŋalae lâ, aku i ne walo kaika uru isukami ŋana kamandi kaika kâ. Miki ma kasaŋa i ne walo kaika ŋinde ndindi nâ. ¹¹ Miki ma kasawa paraŋa ne siŋgâra rârâni Maro Kindeni ilua kinda, ŋana miki ma kakura tu kamandi kaika lâ zo ndia Sadana itu ikai kazâŋa pami.

¹² Miki kalomi ŋgere sondo ŋga. Kinda ŋandai tapara kunzi tamâta ŋga; kinda tapara kunzi koroani saka kie-kie, kinzi ŋinde simo tava nenzi kaika lâ nia maa ku sikai poe panzi tamâta lâ kondoma ne zo sakamao ŋine. ¹³ Mine nde miki ma kakai paraŋa ne siŋgâra Maro Kindeni ilami ŋinde, aku walele nâ kasawa ŋinde rârâni lâ tinimi! Ŋineŋga lâ zo ndia vetâŋa sakamao ma imâ ipânḡa pami, ande miki ma kakura tu kamandi kaika ku kapara kuku nenda kazâŋa tamâta. Aku lâ zo ŋana paraŋa ma marumbu kâ, ande miki ma kamandi kaika yo kamo ŋai. ¹⁴ Ambo miki katu kamandi kaika, ande miki ma kaveta mine; miki ma kakai ŋgua mao ŋana

Maro Kindeni kâ ikeno kaika lâ ilomi kalomi, itogo zugu tamâta ipa wâlo lâ kambwane mine. Aku miki ma kapaveta kuku vetâña arara rârâni Maro Kindeni ilo papa ñinde, itogo zugu tamâta isawa pasawaña “kapa” ipono kondondoni mine. ¹⁵ Aku miki ma kaluku ñana katula pâri ara ñana Maro Kindeni ne wisi-pisi kâ, itogo zugu tamâta isawa kie kâmba lâ kie ñana imandi kaika lâ paraña ilo. ¹⁶ Aku ikura zo rârâni, miki ma kasaña nemi kalo-tawana kaika ku kalâ paraña ilo, ñana tu nemi kalo-tawana ñinde nde itogo nemi maramuña mwasina. Ambo miki ma kaveta mine, ande miki ma kakura tu kapupu silâwa ndia Sadana io yââ lâ tini ku ipane imâ pami ñinde. ¹⁷ Aku miki ma kalomi ñgere sondo ñana ñine kâ; Maro Kindeni iyautemi piti lâ kondoma ilo marumbu lâ. Ambo miki ma kalomi ñgere ñana ñinde kâ, ande ñinde ma ikea ñana nemi ilo-kalo, itogo sambara “kapa” ikea ñana zugu tamâta kulu kâmba mine. Aku miki ma kasaña Maro Kindeni kawa ñgua kaika ndindi nâ, ñana tu ñgua ñinde nde itogo Koroani Sapâña ne pila ñalae ñana kazâña kâ.

¹⁸ Lâ zo ndia miki kasawa paraña ne singâra ñinde ndoni lâ tinimi, ande miki ma kakai noña pa Maro Kindeni tu ma ivilami. Aku ikura zo zo miki ma kakai noña ikura Koroani Sapâña igagatimi tu kaveta mine. Miki ma kakai wulitia ñana kano pa Maro Kindeni kâ ndimo. Ambo miki ma kalomi ñgere sondo ñana ñinde kâ, aku kakai noña pa Maro Kindeni ikura zo rârâni tu ma ivilanzi ne tamâta, ande ñinde nde ara ndo.

¹⁹ Aku naña ilongu tu miki ma kano pa Maro

Kindeni tu ma isuka naŋa tona. Ara ŋana miki ma kano papa tu i ma io ŋgua ara nâ lâ kawâŋgu, lâ zo ndia naŋa amandi ŋana atula i kawa ŋgua pwataki. Ambo i ma isuka naŋa mine, ande naŋa ma akura tu atula pâri ara ne ŋgua paveâŋa ŋinde pwataki, aku ruruŋa ne mâsi ma ikeno piti ndo ŋanana. ²⁰ Yesu Kirisi tamwata isupwa naŋa alâ ŋana akai i ndamwa ku atula pâri ara ŋinde kâ. Taitu kala ŋine naŋa amo luma sakamao ilo ŋana nanenŋu wurâta ndainani nâ. Mine nde naŋa ilonŋu tu miki ma kano pa Maro Kindeni tu ma ipu tini kaika pa ilonŋu kalonŋu. Ŋinenŋa naŋa ma amandi kaika atula pâri ara ŋinde panzi tamâta, ikura i ne pateâŋa mine.

Paulo ino pa Maro Kindeni tu ma iveta kie ara panzi Efesus ŋgu

²¹ Tikikus ma imâ itapâri pami ŋana vetâŋa rârâni ipâŋga pa naŋa lâ. I nde kinda ninda-nambwe, aku maka iloma ara nâ papa i. I uru iveta wurâta pa Maro Ŋalae, itogo maka uru kaveta mine, aku i ne wurâta ŋinde nde ipâŋga ara ndo. ²² Mine kala naŋa asupwa i imâ pami, ŋana miki ma kasama ŋana maka nema saŋonâŋa wa moŋa wa. Naŋa ilonŋu tu i ne ŋgua ŋinde ma ipu tini kaika pa ilomi kalomi.

²³ Kinda Tamânda Maro Kindeni kuku Maro Ŋalae Yesu Kirisi rua ma siveta nima-nambwe kalo-tawana tamâta miki kamo tava wisimi pisi nâ. Aku kinzi rua ma sipu tini kaika pa nemi kalo-tawana, ku ma siveta tinimi mwasa ndo

panzi tinimi pinde tona. ²⁴Maro Kindeni ne wisi-wisi imo kunzi tamâta rârâni ñine sio ilonzi ndo ilâ pa nenda Maro Njalae Yesu Kirisi ikura zo zo.

MARO KINDENI KAWA NGUA
The New Testament and Psalms in the Sio Language
of Papua New Guinea
Nupela Testamen long tokples Sio long Niugini

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

PDF generated using Haiola and XeLaTeX on 4 Mar 2023 from source files dated 22 Nov 2019

b3b81168-89df-5bc3-8b0c-cf72ef93d3de